

Actas del  
IX Congreso Internacional  
de la Asociación Hispánica  
de Literatura Medieval

*(A Coruña, 18-22 de septiembre de 2001)*

*I*

Actas del IX Congreso Internacional de la Asociación Hispánica  
de Literatura Medieval, 2005.

© Carmen Parrilla  
© Mercedes Pampín  
© Toxosoutos, S.L.

Primera edición, agosto 2005

© Toxosoutos, S.L.  
Chan de Maroñas, 2  
Obre - 15217 Noia (A Coruña)  
Tfno.: 981 823855  
Fax.: 981 821690  
Correo electrónico: [editorial@toxosoutos.com](mailto:editorial@toxosoutos.com)  
Local en la red: [www.toxosoutos.com](http://www.toxosoutos.com)

I.S.B.N. obra conjunta: 84-96259-72-2

I.S.B.N. volumen: 84-96259-73-0

Depósito legal: C-xxxxx-2005

Impreso por Gráficas Sementeira, S.A. - Noia  
Reservados todos los derechos

## Don Afonso Sanchez. Notas biográficas

Mariña Arbor Aldea

Universidade de Santiago de Compostela

A Xosé Manuel Quintela

Poucos, dispersos e fragmentarios eran os datos cos que contaba o estudioso da lírica galego-portuguesa, relativos á figura histórica do trovador don Afonso Sanchez,<sup>1</sup> ata a aparición, en 1994, do traballo de A. Resende de Oliveira *Depois do espectáculo trovadoresco*.<sup>2</sup> A análise da documentación publicada para o reinado de don Denis de Portugal,<sup>3</sup> das crónicas contemporáneas –en concreto, a *Crónica Geral de Espanha de 1344*,<sup>4</sup> a *Crónica de*

<sup>1</sup> Véxanse as breves liñas biográficas que lle dedicaron ó bastardo de don Denis T. Braga, *Cancioneiro Portuguez da Vaticana*, Imprensa Nacional, Lisboa, 1878, p. lxxviii; C. Michaëlis de Vasconcelos, *Cancioneiro da Ajuda*, II, Prensas Nacionais-Casa da Moeda, Lisboa, 1990<sup>[1904]</sup>, pp. 216, 224, 228, 246, 247, 306, n. 1, 395, n. 7, 469, 509, n. 2, 588; *Idem*, “Randglossen zum altportugiesischen Liederbuch, XV: Vasco Martinz und D. Afonso Sanchez”, *Zeitschrift für romanische Philologie*, 29 (1905), pp. 683-711, en particular, pp. 697-698; *Idem*, *Lições de Filologia Portuguesa*, Edição da *Revista de Portugal*, Lisboa, 1946, p. 424; J. J. Nunes, *Cantigas d'Amigo dos trovadores galego-portugueses*, I, Centro do Livro Brasileiro, Lisboa, 1973<sup>[1926-1928]</sup>, pp. 177, n. 2, 180, n. 1, 312-313; A. Magne, “Um trovador do período post-dionisiano. Dom Afonso Sanches [1279-1329]”, *Revista de Philologia e de História*, 1 (1931), pp. 58-88, en concreto, pp. 61-69; H. Livermore, “The Formation of the Cancioneiros”, *Arquivos do Centro Cultural Português*, 25 (1988), pp. 107-147, en particular, pp. 116, 125, 144, e G. Tavani, *A poesia lírica galego-portuguesa*, Galaxia, Vigo, 1991<sup>[1986]</sup>, p. 278.

<sup>2</sup> A. Resende de Oliveira, *Depois do espectáculo trovadoresco. A estrutura dos cancioneiros peninsulares e as recolhas dos séculos XIII e XIV*, Colibri, Lisboa, 1994. No curso da presente exposición remitiremos sempre a este traballo, aínda que o autor recupera os datos achegados neste volume en *Trovadores e xograres. Contexto histórico*, Xerais, Vigo, 1995.

<sup>3</sup> Entre esa documentación, moita dela aínda inédita, revisten particular interese os tres manifestos publicados por don Denis durante a guerra civil de 1319-1324. Véxase F. Félix Lopes, “Santa Isabel de Portugal. A larga contenda entre el-Rei D. Dinis e seu filho D. Afonso”, *Itinerarium*, 4, 1 (1953), pp. 34-41; *Idem*, “O primeiro manifesto de el-Rei D. Dinis contra o Infante D. Afonso seu filho e herdeiro”, *Itinerarium*, 13, 55 (1967), pp. 17-45; *Documentos para a História da Cidade de Lisboa. Livro I de Místicos de Reis. Livro II dos Reis D. Dinis, D. Afonso IV, D. Pedro I*, Câmara Municipal de Lisboa, Lisboa, 1947, pp. 135-146. Así mesmo, debe destacarse a colección documental publicada por C. da Silva Tarouca, *O Cartulario do Mosteiro de Santa Clara de Vila do Conde*, Vila do Conde, 1986<sup>[1947]</sup>.

<sup>4</sup> L. F. Lindley Cintra, *Crónica Geral de Espanha de 1344*, Imprensa Nacional-Casa da Moeda, Lisboa, 1990<sup>[1951]</sup>.

*Portugal de 1419*<sup>5</sup> e a *Gran Crónica de Alfonso XI*<sup>6</sup> e da literatura xenealóxica— fundamentalmente, o *Livro de Linhagens do Conde D. Pedro*<sup>7</sup>, así como a consulta da bibliografía citada polo profesor Oliveira no curso do seu traballo<sup>8</sup> e dos datos achegados por investigacións posteriores, xurdidas no marco da fecunda corrente de estudos históricos que se desenvolve nas universidades portuguesas,<sup>9</sup> permiten hoxe trazar de forma coherente e matizada o perfil biográfico deste bastardo rexio.<sup>10</sup>

<sup>5</sup> A. de Almeida Calado, *Crónica de Portugal de 1419*, Universidade de Aveiro, Aveiro, 1998.

<sup>6</sup> D. Catalán, *Gran Crónica de Alfonso XI*, Cátedra Seminario Menéndez Pidal-Editorial Gredos, Madrid, 1977.

<sup>7</sup> J. Mattoso, *Livro de Linhagens do Conde D. Pedro. Portugaliae Monumenta Historica: nova série*, II (ts. I e II), Academia das Ciências, Lisboa, 1980. Véxase tamén J. Piel-J. Mattoso, *Livros Velhos de Linhagens [Livro Velho de Linhagens e Livro de Linhagens do Deão], Portugaliae Monumenta Historica. Nova Série*, I, Academia das Ciências, Lisboa, 1980.

<sup>8</sup> En particular, J. Antunes, A. Resende de Oliveira e J. Gouveia Monteiro, “Conflitos políticos no Reino de Portugal entre a Reconquista e a Expansão. Estado da cuestión”, Separata da *Revista de História das Ideias*, 6 (1984), pp. 118-121; J. Mattoso, “A guerra civil de 1319-1324”, *Portugal Medieval: novas interpretações*, Imprensa Nacional-Casa da Moeda, Lisboa, 1985, pp. 293-308. A estes traballos aínda se lles deben engadi-las seguintes obras de referencia: Fr. F. Brandão, *Monarquia Lusitana*, V, Imprensa Nacional-Casa da Moeda, Lisboa, 1976<sup>[1650]</sup>; VI, 1980<sup>[1672]</sup>; A. Braamcamp Freire, *Brasões da Sala de Sintra: livro segundo*, Imprensa da Universidade, Coimbra, 1927; A. Caetano de Sousa, *História Genealógica da Casa Real Portuguesa*, Atlântida Livraria-Editora, Coimbra, 1946; *Idem, Provas da história Genealógica da Casa Real Portuguesa*, Atlântida Livraria-Editora, Coimbra, 1946; J. M. Cordeiro de Sousa, “Contenda entre Afonso Sanchez e o Conde Dom Martim Gil”, *Armas e Troféus*, 2 Série, 6 (1965), pp. 251-259; M. Barbieri, “Afonso Sanchez”, en *Dicionário da Literatura Medieval Galega e Portuguesa*, coord. G. Lanciani e G. Tavani, Caminho, Lisboa, 1993, pp. 21-23; J. Mattoso, *História de Portugal, II: A Monarquia Feudal (1096-1480)*, Editorial Estampa, Lisboa, 1993.

<sup>9</sup> Véxase M. J. Barroca, *Epigrafia Medieval Portuguesa (862-1422)*, Universidade do Porto, Porto, 1995 [dissertação de doutoramento policopiada], e J. A. de Sotto Mayor Pizarro, *Linhagens Medievais Portuguesas: genealogias e estratégias (1279-1325)*, Universidade do Porto, Porto, 1997 [(dissertação de doutoramento policopiada).

<sup>10</sup> A crítica tradicional sinalou como aspectos básicos da biografía de don Afonso Sanchez o favoritismo co que este contaba ante don Denis e as difíciles relacións que o bastardo mantería co herdeiro da coroa, o despois monarca Alfonso IV. Ambos argumentos aducíronse como causas da guerra civil de 1319-1324, aínda que, como se verá, esta respondía a una fractura política e socioeconómica que tiña as súas raíces nas décadas precedentes e que sería decisiva para a propia historia do reino portugués. Véxanse os comentarios que sobre estes particulares achegan Brandão, *Monarquia*, V, 292v; *Idem*, *Ibidem*, VI, pp. 169, 196, 206; Michaëlis, *Ajuda*, II, pp. 247, 395, n. 7, 509, n. 2; *Idem*, “Randglossen”, pp. 697-698; *Idem*, *Lições*, p. 424; Nunes, *Amigo*, I, p. 312; Freire, *Brasões*, p. 193; Magne, “Um trovador”, pp. 61, 63.

*Filho d'el rei don Denis de Portugal*, como sinalan as rúbricas atributivas presentes nos códices que conservaron a súa produción poética, o *Cancioneiro da Biblioteca Nacional*, o *Cancioneiro da Vaticana* e as copias tardías da Biblioteca Nacional de Madrid (*M*) e da Biblioteca Pública Municipal do Porto (*P*), así como a propia *Tavola Colocciana*,<sup>11</sup> don Afonso Sanchez é o segundo dos seis fillos naturais do monarca portugués.<sup>12</sup> Naceu, froito da relación de don Denis cunha dama da nobreza secundaria do Minho, Aldonça Rodrigues de Telha,<sup>13</sup> probablemente na década de 1280.<sup>14</sup>

<sup>11</sup> Para a localización de don Afonso Sanchez nos cancioneros e análise dos seus ciclos de textos, consúltese M. Arbor Aldea, *O cancionero de don Afonso Sanchez: edición e estudio*, Universidade de Santiago de Compostela, Santiago de Compostela, 2001, pp. 63-92. Nas cantigas do trobador non se recolle ningunha referencia a acontecementos históricos que posibilite, sequera de xeito aproximado, data-la súa composición. Só a *tensó* que don Afonso sostén con Vaasco Martinz de Resende, *Vasco Martinz, pois vós trabalhades* (B 406, V 27, M, P), permite identificalo seu opositor poético, señor de Resende por vía feminina e descendente, pola rama paterna, dos Pimentais, e postula-la súa elaboración en Portugal, antes de 1324, data na que o bastardo rexio parte exiliado para Castela (cfr. Arbor, *O cancionero*, pp. 14-16, n. 4, e *infra*, p. 10). Véxase, así mesmo, Michaëlis, "Randglossen", p. 697, n. 4; Magne, "Um trovador", p. 66, e Livermore, "The Formation", p. 125.

<sup>12</sup> Os bastardos de don Denis que están documentados son Pedro Afonso II, nacido de Gracia Anes; Fernão Sanches, de nai descoñecida; João Afonso II, froito da unión do monarca con Maria Pires; Maria Afonso I, filla de Marinha Gomes; Maria Afonso II, de nai descoñecida, e o propio Afonso Sanchez (cfr. Mattoso, *Livro de Linhagens*, II/1, p. 129; Cintra, *Crónica Geral*, IV, p. 252; Calado, *Crónica*, p. 169 *ñ*véxase *Apêndice. I ñ*; Brandão, *Monarquia*, V, 174-187; Pizarro, *Linhagens Medievais*, I, p. 184). En canto á orde de nacemento destes, don Pedro sería o primeiro fillo do monarca (cfr. Cintra, *Crónica Geral*, IV, pp. 248, 252; Pizarro, *Linhagens Medievais*, I, p. 189, n. 141).

<sup>13</sup> "dom Afonso Sanchez, filho d'el rei dom Dinis de Portugal e de dona Aldonça Rodriguez de Telha, de gaança" (cfr. Mattoso, *Livro de Linhagens*, II/2, pp. 93-94; véxase tamén *Idem*, *Ibidem*, II/1, pp. 129, 238; Brandão, *Monarquia*, V, 175; Michaëlis, *Ajuda*, II, pp. 306, n. 1, 395, n. 7, 509, n. 2; Michaëlis, *Lições*, p. 424; Freire, *Brasões*, p. 193; Nunes, *Amigo*, I, pp. 180, n. 1, 312; Magne, "Um trovador", p. 61; Sousa, *História Genealógica*, p. 148; Oliveira, *Depois do espectáculo*, p. 311; Barroca, *Epigrafia*, II, p. 1061). Para esta favorita de don Denis, consúltese Piel-Mattoso, *Livros Velhos*, pp. 39-140, 166; Mattoso, *Livro de Linhagens*, II/1, pp. 300-301, 314-315, 343, 366, 411, 413-414; Brandão, *Monarquia*, V, 175; Michaëlis, *Ajuda*, II, pp. 306, n. 1, 395, n. 7; Magne, "Um trovador", p. 61; L. Gonzaga de Lancaster e Távora, "Apontamentos de Armaria Medieval Portuguesa, I: A Bandeira Heráldica de D. Afonso Sanches", Separata do *Boletim da Câmara Municipal de Cascais*, 1982, pp. 79-90, en particular, p. 79; Barbieri, "Afonso Sanchez", p. 22; Pizarro, *Linhagens Medievais*, I, pp. 184-185, n. 115.

<sup>14</sup> Cfr. Barbieri, "Afonso Sanchez", p. 21; Oliveira, *Depois do espectáculo*, p. 311; Pizarro, *Linhagens Medievais*, I, p. 189. Datas concretas para o nacemento do trobador, diverxentes entre si e carentes de apoio documental, ofrecéronas Michaëlis, *Ajuda*, II, pp. 216, 224, 246, n. 4; *Idem*, "Randglossen", p. 697; *Idem*, *Lições*, p. 424; Nunes, *Amigo*, I, p. 177, n. 2; Freire,

O trobador aparece referido por primeira vez nun documento de 1289,<sup>15</sup> que recolle unha doazón de bens feita polo rei a outro dos seus bastardos, Pedro Afonso II, futuro conde de Barcelos, trobador e mecenas da lírica galego-portuguesa. Lexitimado por carta do 8 de maio de 1304 e entregado ó coidado da raíña dona Isabel,<sup>16</sup> don Afonso tivo como titor o privado de don Denis Pero Afonso Ribeiro.<sup>17</sup> Este administrou distintas propiedades que o monarca lle doou ó seu bastardo. Así, o 15 de maio de 1291, don Denis entregoulle a don Afonso Sanchez sete casais na freguesía de Santa Maria de Real, no *juogado* de Pavia, e, por doazón do 12 de xaneiro de 1293, outros tres máis, localizados na mesma freguesía. En calidade de administrador, Pero Afonso Ribeiro cambiou despois eses dez casais co mosteiro de Arouca, recibindo, polos sete primeiros, a oitava parte de Vila do Conde, Nabais, Mota e Regufem e, polos tres restantes, as posesións que o cenobio tiña en Germelo. Tamén como titor do infante, Pero Afonso entregoulle á Orde de Santiago tódalas propiedades que don Afonso tiña en Beja, recibindo en troques a metade da vila de Germelo, que lle pertencía á mencionada orde.<sup>18</sup>

Ademais deste patrimonio, o trobador obtivo outros bens en sucesivas doazóns de don Denis. En 1304 recibiu a vila e terra de San Fins dos Galegos;<sup>19</sup> ata 1305 percibía catrocentas libras anuais sobre Chileiros; en 1310 obtivo o padroado da igrexa de San

---

*Brasões*, p. 193; Magne, “Um trovador”, p. 61; Sousa, *História Genealógica*, p. 148; Távora, “Apontamentos”, pp. 82, 83; Tavani, *A poesia lírica*, p. 278, e Livermore, “The Formation”, pp. 116, 125.

<sup>15</sup> Na *Monarquia Lusitana* refírese este documento (cfr. Brandão, *op. cit.*, V, 174<sup>o</sup>). Véxase tamén Barbieri, “Afonso Sanchez”, p. 22; Oliveira, *Depois do espectáculo*, p. 311; Barroca, *Epigrafia*, II, p. 1061.

<sup>16</sup> Cfr. Brandão, *Monarquia*, V, 174<sup>o</sup>-175<sup>o</sup>, 269<sup>o</sup>; Pizarro, *Linhagens Medievais*, I, p. 194, n. 169.

<sup>17</sup> Véxase Brandão, *Monarquia*, V, 175<sup>o</sup>, 177<sup>o</sup>; Pizarro, *Linhagens Medievais*, I, pp. 186, n. 125, 189.

<sup>18</sup> Docs. do 4 de agosto de 1291, do 14 de marzo de 1293 e do 20 de febreiro de 1295, respectivamente (cfr. Brandão, *Monarquia*, V, 175; Pizarro, *Linhagens Medievais*, I, p. 189, n. 142).

<sup>19</sup> O 17 de outubro de 1304, segundo indica Brandão, *Monarquia*, VI, pp. 31, 66-67.

Salvador de Fervença<sup>20</sup> e, en 1312, a título de préstamo vitalicio, unhas casas na rúa Nova en Lisboa; tamén en 1312 recibiu de don Denis vinte mil libras, destinadas a cubri-los gastos derivados da compra de distintas propiedades que lle pertenceran ó segundo conde de Barcelos, don Martin Gil de Riba de Vizela, seu cuñado;<sup>21</sup> en 1313 obtivo a aldea e o padroado da igrexa de Santiago de Alhariz, e, por último, en 1318, seu pai cedulle o dereito de *apresentação* na igrexa de San João de Cinfães, no bispado de Lamego.<sup>22</sup>

Estes beneficios patrimoniais complementounos don Afonso Sanchez co relevante papel que desenvolveu na corte rexia. O trovador, que aparece vinculado á curia dende 1303,<sup>23</sup> foi un dos procuradores designados pola nobreza para asistir á lectura das *inquirições* de 1308, así como á proclamación das sentencias delas derivadas.<sup>24</sup> Así mesmo, en 1312 foi nomeado *mordomo-mor* por don Denis,<sup>25</sup> cargo no que sucedeu ó seu sogro, don João Afonso Telo II ou de Albuquerque,<sup>26</sup> e que ocupou ata 1323.<sup>27</sup>

<sup>20</sup> Doc. do 10 de maio de 1310 (cfr. Brandão, *Monarquia*, VI, p. 153; Tarouca, *O Cartulario*, pp. 44-45, doc. VII).

<sup>21</sup> Esa suma entregoulla o monarca a don Afonso o 2 de decembro de 1312 (cfr. Brandão, *Monarquia*, VI, p. 154).

<sup>22</sup> Para estes datos, véxase Pizarro, *Linhagens Medievais*, I, pp. 189-190, n. 143.

<sup>23</sup> Nese ano o infante confirma unha doazón feita á Orde de Avis (cfr. Pizarro, *Linhagens Medievais*, I, p. 190, n. 146).

<sup>24</sup> Cfr. Brandão, *Monarquia*, V, 160; Barroca, *Epigrafia*, II, pp. 1061-1062; Pizarro, *Linhagens Medievais*, I, p. 190, n. 146.

<sup>25</sup> O primeiro documento no que o trovador aparece con esa atribución data do 8 de setembro de 1312 (cfr. Brandão, *Monarquia*, VI, p. 21; Barroca, *Epigrafia*, II, pp. 1061, 1140; Pizarro, *Linhagens Medievais*, I, p. 190). Datas diversas para o acceso ó cargo por parte de don Afonso Sanchez ofreceunas a crítica. Véxase, a este propósito, Michaëlis, "Randglossen", p. 697, n. 4; *Idem*, *Lições*, p. 424; Magne, "Um trovador", p. 66; Freire, *Brasões*, p. 193; Barbieri, "Afonso Sanchez", p. 22; Oliveira, *Depois do espectáculo*, p. 311.

<sup>26</sup> O anterior *mordomo-mor* e primeiro conde de Barcelos falecera en 1304. Dende esa data e ata 1312 o posto estivo vacante, por interese do propio don Denis (cfr. Brandão, *Monarquia*, V, 250; *Idem*, *Ibidem*, VI, pp. 21, 30; Freire, *Brasões*, pp. 193, 195; Magne, "Um trovador", p. 66; Barbieri, "Afonso Sanchez", p. 22; Mattoso, *História*, p. 161; J. A. de Sotto Mayor Pizarro, "D. Dinis e a nobreza nos finais do século XIII", Separata da *Revista da Faculdade de Letras*, 2 Série, 10 (1993), pp. 91-101, en concreto, p. 99; Oliveira, *Depois do espectáculo*, p. 311; Barroca, *Epigrafia*, II, pp. 1061, 1140).

<sup>27</sup> En efecto, o tratado de paz de febreiro de 1324, que marcou o final da guerra civil entre don Denis e o príncipe don Afonso, obrigou o bastardo a abandona-la corte e a exiliarse en Castela (cfr. Brandão, *Monarquia*, VI, pp. 429, 461; Oliveira, *Depois do espectáculo*, p. 311; Barroca, *Epigrafia*, II, p. 1061; Pizarro, *Linhagens Medievais*, I, p. 190).

O importante patrimonio co que contaba e as aspiracións persoais e políticas de don Afonso Sanchez víronse reforzadas polo seu casamento con Teresa Martins Telo, filla maior de don João Afonso Telo II e de dona Teresa Sanches, bastarda de Sanchos IV de Castela.<sup>28</sup> Desta unión naceron tres fillos: dous deles, de nome descoñecido, morreron sendo nenos; o outro, João Afonso de Albuquerque, *o do Ataude*, desenvolveu unha rápida carreira política en Castela, onde estivo ó servicio, como *alferes-mor*, de Alfonso XI, e, como *mordomo-mor*, de Pedro I.<sup>29</sup>

Por medio deste matrimonio, posiblemente acordado por don Denis e celebrado antes de febreiro de 1306,<sup>30</sup> don Afonso Sanchez converteuse en señor da metade da fortaleza de Albuquerque,<sup>31</sup> situada ó outro lado da fronteira portuguesa, aínda que só aparece con ese título a partir do 19 de outubro de 1307.<sup>32</sup> Pouco despois, en 1308, o trobador obtivo a totalidade do señorío mediante un cambio efectuado co infante don Afonso de Molina, ó que lle entregou, pola parte da fortaleza de Al-

<sup>28</sup> Véxase Piel-Mattoso, *Livros Velhos*, p. 22; Mattoso, *Livro de Linhagens*, II/2, p. 93; Brandão, *Monarquia*, VI, pp. 30-31; Michaëlis, *Lições*, p. 424; Freire, *Brasões*, p. 193; Sousa, "Contenda", p. 252; Távora, "Apontamentos", pp. 85, 89, n. 13; Pizarro, *Linhagens Medievais*, I, p. 191, n. 153. Dona Teresa Martins era herdeira de parte do señorío de Albuquerque, das fortalezas de Medellín e Codiceira e de Vila do Conde (cfr. Brandão, *Monarquia*, VI, p. 269; Michaëlis, "Randglossen", p. 697; Magne, "Um trovador", p. 68; Barroca, *Epigrafia*, II, p. 1062).

<sup>29</sup> Don João Afonso foi, ademais, sexto señor de Albuquerque. Véxase Piel-Mattoso, *Livros Velhos*, p. 121; Mattoso, *Livro de Linhagens*, II/1, pp. 154-155, 218, 239-240, 290; *Idem*, *Ibidem*, II/2, pp. 93-94 (cfr. *Apêndice. 2*); Brandão, *Monarquia*, V, 102', 233, 241'; *Idem*, *Ibidem*, VI, p. 219; Freire, *Brasões*, pp. 195-196; Sousa, *História Genealógica*, pp. 150-151; Pizarro, *Linhagens Medievais*, I, pp. 193-194.

<sup>30</sup> Cfr. Pizarro, *Linhagens Medievais*, I, p. 191, n. 154; véxase tamén Barroca, *Epigrafia*, II, pp. 1057-1058, 1062, 1138. Datas diverxentes da aquí proposta para o matrimonio do trobador ofrecéronas Brandão, *Monarquia*, V, 212'; *Idem*, *Ibidem*, VI, pp. 31-32, 66, 219; Michaëlis, "Randglossen", p. 697; *Idem*, *Lições*, p. 424; Magne, "Um trovador", p. 67; Freire, *Brasões*, pp. 193, 194, e Oliveira, *Depois do espectáculo*, p. 311.

<sup>31</sup> Deste feito dá conta a inscrición da lápida da Porta de San Mateus, no castelo de Albuquerque, datada o 4 de agosto de 1306 e hoxe depositada no Museo Arqueolóxico de Badaxoz (véxase Barroca, *Epigrafia*, II, p. 1052; cfr. tamén *Idem*, *Ibidem*, p. 1139, e Brandão, *Monarquia*, VI, p. 153).

<sup>32</sup> Cfr. Brandão, *Monarquia*, VI, pp. 66, 119; Freire, *Brasões*, p. 193; Oliveira, *Depois do espectáculo*, p. 311; Barroca, *Epigrafia*, II, p. 1062. Véxase tamén Barbieri, "Afonso Sanchez", p. 22.

buquerque que estaba no seu poder, a vila de San Fins dos Galegos e sesenta mil marabedís.<sup>33</sup> Nese mesmo ano de 1308, o 13 de xullo, don Afonso Sanchez e a súa dona determinan en Guimarães a transmisión da metade do devandito señorío, repetindo e modificando parcialmente esas disposicións nun novo documento, datado en Lisboa o 20 de abril de 1310.<sup>34</sup>

Ademais da metade do señorío de Albuquerque, don Afonso Sanchez recibiu do primeiro conde de Barcelos outros bens patrimoniais, que lle foron entregados tras un longo litixio co seu cuñado, don Martin Gil de Riba de Vizela II, desposado con dona Violante Sanches, irmá de dona Teresa.<sup>35</sup> As diferencias entre ambos saldáronse coa sentenza emitida por don Denis o 3 de xaneiro de 1312.<sup>36</sup> Segundo esta, outorgáronselle a don Martin Gil as honras e señoríos de Cervã, Atei, Santa Maria da Ribeira, Lemos, Mondim de Basto, as ferrerías do *juogado* de Celorico de Basto e o castelo de Zagala;<sup>37</sup> pola súa parte, don Afonso Sanchez recibiu

<sup>33</sup> Don Denis abonou esta cantidade, como se desprende dun documento de 1310 no que don Afonso Sanchez ordena a transmisión do señorío de Albuquerque (cfr. Brandão, *Monarquía*, VI, pp. 148, 151). O reparto da fortaleza entre don Afonso Sanchez e don Afonso de Molina débíase a razóns familiares, pois a dona do trovador e o infante de Molina eran herdeiros do primeiro señor de Albuquerque. Para outros pormenores relativos a este acordo, véxase Brandão, *Monarquía*, VI, pp. 66, 67; Magne, “Um trovador”, pp. 67-68; Barroca, *Epigrafía*, II, pp. 1058, 1062-1064, 1139; Pizarro, *Linhagens Medievais*, I, p. 189, n. 143.

<sup>34</sup> Cfr. Pizarro, *Linhagens Medievais*, I, pp. 191, n. 155; véxase tamén Brandão, *Monarquía*, VI, pp. 147-151, e Barroca, *Epigrafía*, II, pp. 1064, 1139.

<sup>35</sup> Para a biografía deste fillo de Martin Gil I, *alferes-mor* entre 1295 e 1312 e *mordomo* do príncipe don Afonso entre 1302 e 1312, e para a súa ascendencia familiar, véxase Piel-Mattoso, *Livros Velhos*, pp. 34-35, 41-46, 52, 56, 60, 62, 93-99, 104, 193; Mattoso, *Livro de Linhagens*, III/1, pp. 171, 173, 191-193, 308-320, 375, 376, 430-431, 437, 488; *Idem*, *Ibidem*, II/2, pp. 34-37, 51-52, 85, 97-98, 100; Brandão, *Monarquía*, V, 172<sup>v</sup>, 173<sup>r</sup>, 234, 240<sup>r</sup>, 263, 264<sup>r</sup>, 268<sup>r</sup>; *Idem*, *Ibidem*, VI, pp. 21-22, 42, 57, 65-66, 129, 134, 136, 154, 176, 186-190, 367, 578-582; Sousa, “Contenda”, pp. 253-255; Lopes, “O primeiro manifesto”, pp. 22-24; Mattoso, “A guerra civil”, pp. 298-299; *Idem*, *História*, p. 162; Pizarro, “D. Dinis”, p. 99; *Idem*, *Linhagens Medievais*, I, pp. 533-553. Para dona Violante Sanches, data do seu matrimonio con Martin Gil e outros pormenores biográficos, véxase Pizarro, *Ibidem*, I, pp. 551-553.

<sup>36</sup> Cfr. Brandão, *Monarquía*, VI, pp. 31-32, 168; Barbieri, “Afonso Sanchez”, p. 22; Oliveira, *Depois do espectáculo*, p. 311; Pizarro, *Linhagens Medievais*, I, pp. 191-192, 551-552, n. 102. A carta que recolle a sentenza do monarca foi publicada por Sousa, “Contenda”, pp. 257-259 (véxase un extracto en *Apêndice*. 3), e Tarouca, *O Cartulário*, pp. 45-48, doc. VIII.

<sup>37</sup> Cfr. Sousa, “Contenda”, p. 258 –véxase *Apêndice*. 4–; Brandão, *Monarquía*, VI, p. 168; Pizarro, *Linhagens Medievais*, I, pp. 551-552, n. 102.

Safões, Soverosa e Macieira, así como tódalas propiedades que don Martin Gil tiña en Oliveira e Cortegaça. Ademais, o bastardo rexio herdou os bens que o primeiro conde de Barcelos posuía en Santarém e Lisboa, e nos seus termos, no Lumiar, en Alcubela (termo de Sintra), en Alcoentre (termo de Santarém) e en Campo Maior (entre Arronches e Badajoz), e recibiu, así mesmo, no Além Douro, Souto de Rebordões, Varzim de Jusão e Tougingha (en Vila do Conde).<sup>38</sup> Asemade, e neste mesmo ano, don Denis entregoulle ó trobador vinte mil libras, coas que este comprou a maioría das propiedades que lle tocaran a don Martin Gil no reparto dos bens de João Afonso de Albuquerque, incrementando aínda máis o seu xa importante poder económico.<sup>39</sup>

Entre 1313 e 1322 hai, así mesmo, abundantes documentos que refiren a administración por parte de don Afonso Sanchez e de dona Teresa Martins dos bens que ambos posuían.<sup>40</sup> Desa do-

---

<sup>38</sup> Consúltese Sousa, “Contenda”, pp. 258-259 —véxase *Apéndice. 5*—; Brandão, *Monarquía*, VI, pp. 168-169; Tarouca, *O Cartulário*, pp. 45-48, doc. VIII, e Pizarro, *Linhagens Medievais*, I, p. 192, n. 156. Por carta do 3 de xaneiro de 1312 don Denis mándalles entregar a don Afonso Sanchez e a dona Teresa Martins as propiedades mencionadas na sentenza rexia (cfr. Tarouca, *O Cartulário*, pp. 49-50, doc. IX).

<sup>39</sup> Don Afonso Sanchez adquiriu, en concreto, Cervã, Atei, Atães, Vila Caiz, Vila Marim, Unhão, Barlhães, Veiga, Vilar de Torno, Tagilde, Palmeira, Miradoiro, Paços, Baião, Sam Martinho de Ovelha, Mancelos, Almançais, Carrazedo, Sequeiros, Besteiros, Novelos, Nevo-gilde, Regilde, Veariz, o mato de Sovelhães, Lordelo e Avintes, así como os bens que o conde posuía no Entre-Douro-e-Minho, excepto Mondim e as ferrerías (cfr. Pizarro, *Linhagens Medievais*, I, p. 190, n. 143). A compra das propiedades de don Martin Gil efectuouse a pesar de que o conde, no seu testamento, datado o 23 de novembro de 1312, excluíu expresamente a Afonso Sanchez e ós outros bastardos de don Denis do acceso ós mesmos (cfr. Brandão, *Monarquía*, VI, pp. 154, 190, 197, 579-580). Así mesmo, o castelo de Zagala, que don Martin Gil lle legara ó seu sobriño e principal herdeiro don Pedro Fernandez de Castro, foille entregado tamén a don Afonso Sanchez polo alcaide da mencionada fortaleza, Estevão de Freitas, o *Mal Andante* (véxase Mattoso, *Livro de Linhagens*, II/2, pp. 23-24; Brandão, *Monarquía*, VI, pp. 190, 578).

<sup>40</sup> En 1313 o matrimonio efectuou un cambio con Martim Anes de Briteiros, ó que lle entregaron a aldea e a igrexa de Alhariz, recibindo en troques as posesións que este tiña en Cervã, Atei, Atães e Soverosa. O 6 de outubro de 1318 don Afonso Sanchez e a súa dona doáronlle ó mosteiro de Pombeiro o padroado da igrexa de Sam Mamede de Cepães, e o 18 de outubro dese mesmo ano vendéronlle a don Denis, por quince mil libras, a vila e o castelo de Campo Maior, así como as herdades da Contenda. Finalmente, o 8 de outubro de 1321 don Afonso Sanchez e dona Teresa Martins entregáronlle unhas casas a Estevan da Guarda. Pola súa parte, en 1322 dona Teresa dooulle ó mosteiro de Pombeiro o valor de cincuenta libras anuais sobre os seus bens de Neiva. Para estes datos, véxase Brandão, *Monarquía*, VI, pp. 32,

cumentación merece destacarse a relativa á fundación do mosteiro de Santa Clara de Vila do Conde, o 7 de maio de 1317,<sup>41</sup> xa que nela se recollen, ademais do regulamento interno do cenobio, as distintas propiedades<sup>42</sup> que a esa institución relixiosa lle outorgou o matrimonio.<sup>43</sup>

Ademais deste inmenso patrimonio, don Afonso Sanchez constituíu unha gran *casa* señorial; dela formaron parte Nuno Rodrigues de Vasconcelos (*mordomo*), Giral Pires (*despenseiro*), Fernão Gomes e Vasco Pais de Azevedo (cabaleiros), Martim Afonso do Vale (alcaide de Albuquerque), Estevão Pires Zarco

---

197, 429, 579; Tarouca, *O Cartulário*, p. 119, doc. 4 do Apéndice; Pizarro, *Linhagens Medievais*, I, pp. 192, n. 157, n. 160.

<sup>41</sup> Esta é a data achegada por Pizarro (cfr. *Linhagens Medievais*, I, p. 192). O resto da crítica é unánime, aínda que nalgúns casos cunha certa reserva, ó situa-la fundación do cenobio en 1318, ano que se corresponde co que figura na carta de dotación e institución do mosteiro (cfr. Brandão, *Monarquia*, V, 225; *Idem, Ibidem*, VI, pp. 154, 233, 269, 563-571; Magne, “Um trovador”, p. 68; Sousa, *História Genealógica*, pp. 149, 150; Tarouca, *O Cartulário*, pp. 13, 20, 29, 35, 78-89, doc. XXIX; Livermore, “The Formation”, pp. 116, 144, n. 20; Barbieri, “Afonso Sanchez”, p. 22; Oliveira, *Depois do espectáculo*, p. 311; Barroca, *Epigrafia*, II, p. 1062). Sen embargo, unha carta de don Denis, na que o monarca lle doa ó mosteiro a igrexa de Santiago de Murça e que está datada o 9 de abril de 1318, parece apoia-la hipótese fornecida por Pizarro (véxase Tarouca, *O Cartulário*, pp. 52-53, doc. XI). Así mesmo, Xoán XXII outorgou a fundación e recollemento das profesas da orde de Santa Clara o 15 de marzo de 1318. Na bula indícase que nese momento xa estaban recollidas freiras no convento, feito que corrobora a data de Pizarro e que foi apuntada tamén por Brandão (cfr. *Monarquia*, VI, pp. 269, 271).

<sup>42</sup> Cfr. Tarouca, *O Cartulário*, pp. 78-89, doc. XXIX, en concreto, pp. 79-80 ó Apéndice. 6—; Sousa, *Provas*, pp. 155-156 óo documento completo ocupa as pp. 154-165; Barroca, *Epigrafia*, II, p. 1062.

<sup>43</sup> Os bens que don Afonso e dona Teresa lle cederon ó mosteiro foron incrementados posteriormente con novas doazóns, privilexios e exencións rexias. Por carta do 9 de abril de 1318 don Denis dooulle ó mosteiro de Santa Clara a igrexa de Santiago de Murça; por carta do 29 de xullo de 1318 deulle as igrexas de Sam Vicente da Chã e de Santa Cruz de Lamas de Orelhão e o 8 de agosto entregoulle a quinta de Fornos, no *julgado* da Feira. O 3 de xaneiro de 1319 o monarca deulle carta de couto a Santa Clara de Vila do Conde e por carta do 4 de xaneiro dese mesmo ano renunciou ós dereitos que tiña no cenobio, así como ós dos seus sucesores. Finalmente, por documento do 10 de xaneiro de 1319 don Denis outorgoulle carta de privilexio ó mosteiro, dispensándoo de cumpri-la lei de 21 de marzo de 1291 que lles impedía ás fundacións relixiosas herdar bens de raíz. O rei portugués, no seu testamento do 20 de xuño de 1322, deixoulle, así mesmo, a Santa Clara duascentas libras, manda que foi confirmada no documento que recolle as súas últimas vontades, datado en Santarém o 31 de decembro de 1324 (cfr. Tarouca, *O Cartulário*, pp. 52-53, doc. XI; 54, doc. XII; 54-55, doc. XIII; 55-56, doc. XIV; 57-58, doc. XV; 58-59, doc. XVI; Brandão, *Monarquia*, VI, pp. 426, 585).

(avogado da corte), Bartolomeu Martins (escudeiro e procurador), Estevão Pires, abade de Telões (chanceler), Vicente Domingues (pousadeiro) e Gonçalo Martins de Felmir (vigairo do infante na quinta de Atães).<sup>44</sup>

En relación co enorme poder que chegou a dete-lo bastardo rexio, tanto a nivel económico como político, débese situalo acontecemento que marcou os anos finais do reinado de don Denis, a guerra civil de 1319-1324.<sup>45</sup>

Parte das causas dese conflito expóñense nos tres manifestos que don Denis fixo públicos durante os enfrontamentos con don Afonso. No primeiro deses documentos, datado o 1 de xullo de 1320 e lido en Santarém, o monarca recolle as inxurias recibidas da parte do infante ata esa data, prestándolle particular atención a dous episodios: a petición do rexemento de xustiza por parte do príncipe herdeiro<sup>46</sup> e as intrigas que comprometían a don Afonso Sanchez, acusándoo de querer envelena-lo infante e de tentar pri-

<sup>44</sup> Cfr. Tarouca, *O Cartulário*, p. 89; Pizarro, *Linhagens Medievais*, I, p. 190, n. 147.

<sup>45</sup> Como puxeron de relevo os especialistas en historia medieval portuguesa, neste conflito culminou a tensión acumulada ó longo de varios anos entre o monarca e o príncipe herdeiro don Afonso, o descontento da nobreza ante a política de centralización exercida por don Denis e a división que se produciu no seo da denominada nobreza de corte durante o período dionisino. A tensión entre o monarca e o seu herdeiro tería a súa orixe nos amplos privilexios cos que don Denis dotaba os seus bastardos e, en particular, ó propio Afonso Sanchez. En canto ó segundo aspecto, a centralización exercida polo monarca, que recortaba notablemente os privilexios da alta aristocracia, plasmouse tanto nos enfrontamentos que don Denis mantivo co seu irmán, o infante don Afonso, en 1281, 1287 e 1299, como na realización de *inquirições* de xeito sistemático no norte señorial. En canto á división que se verificou no interior da nobreza de corte, as diferencias entre o propio Afonso Sanchez e o conde Martin Gil de Riba de Vizela, o exilio en Castela de Raimundo de Cardona, *mordomo-mor* do príncipe don Afonso e testamenteiro de don Martin Gil, e a expatriación de don Pedro de Barcelos constitúen exemplos claros desa fractura. Para estes datos, véxase Mattoso, *Livro de Linhagens*, II/1, pp. 130, 238 –véxase *Apêndice. 7, 8–*, 438; Calado, *Crónica*, pp. 193-194; Brandão, *Monarquia*, V, 95<sup>r</sup>, 98<sup>r</sup>, 173; *Idem, Ibidem*, VI, pp. 95-96, 187-188, 198, 368; Lopes, “O primeiro manifesto”, pp. 25-26, n. 2 e n. 1; Mattoso, “A guerra civil”, pp. 294-298; *Idem, História*, pp. 158-162; Pizarro, “D. Dinis”.

<sup>46</sup> Véxase Lopes, “O primeiro manifesto”, pp. 32-33 (–cfr. *Apêndice. 9–*); Calado, *Crónica*, pp. 195-196; Mattoso, *História*, p. 162. Cfr. tamén Brandão, *Monarquia*, VI, pp. 358-359. O aspecto relativo ó rexemento da xustiza, solicitado polo infante en 1319, reviste particular importancia para don Denis, como se deduce da súa presenza recorrente nos tres manifestos, xa que respondía ós intereses da nobreza, duramente atacados pola política centralizadora exercida polo monarca (véxase Mattoso, “A guerra civil”, p. 299; *Idem, História*, p. 162).

valo dos seus dereitos ó trono portugués.<sup>47</sup> Estas últimas parecen responder ós intereses da nobreza, que buscaba conseguí-la adhesión do príncipe á súa causa, aproveitando o resentimento xerado en don Afonso polo favoritismo co que don Denis trataba o seu bastardo. En efecto, as acusacións contra o trobador, como se verá liñas máis abaixo, perden protagonismo nos dous manifestos seguintes, pasando a súa persoa a un segundo plano.

Así mesmo, neste primeiro manifesto faise unha breve alusión ó motín de Pinheiro de Ázere, ocorrido en 1317. Tamén neste caso don Afonso Sanchez está no centro da polémica, pois é acusado de instiga-lo motín e de se-lo responsable directo da expulsión do conde don Pedro Afonso II, seu irmán, do reino.<sup>48</sup>

No segundo manifesto, feito público o 15 de maio de 1321 en Lisboa, don Denis retoma a petición do rexemento de xustiza por parte do infante como unha das razóns que motivaron o seu enfrontamento con don Afonso, expondo a seguir as afrontas que recibiu deste e dos seus seguidores, así como a toma de armas en Sintra por parte do príncipe contra el e o seu exército.<sup>49</sup>

---

<sup>47</sup> Cfr. Lopes, “O primeiro manifesto”, pp. 37-39 (—véxase *Apéndice. 10*—), e Brandão, *Monarquía*, VI, pp. 371-372. Á solicitude de información por parte de don Denis sobre as acusacións de envelenamento que recaían sobre don Afonso Sanchez respondeulle o infante don Afonso nun documento dado en Coimbra o 6 de xuño de 1320 (véxase Lopes, “O primeiro manifesto”, pp. 39-44). A carta de Rui Vasques, Comendador de Magazela, desmentindo as acusacións do infante relativas á conspiración para envelenalo, foi publicada por Lopes, *Ibidem*, pp. 44-45. Tamén a *Crónica de Portugal de 1419* recolle o asunto do veneno e a valoración de don Denis sobre este episodio, a acusación feita contra o monarca e o seu bastardo de querer desherda-lo príncipe, a pregunta de don Denis e a subseguinte resposta do infante, e o informe de Magazela enviado ó rei. Ante as acusacións difundidas no reino relativas á suposta petición ó papado por parte de don Denis da dispensa necesaria para coroar a Afonso Sanchez, Xoán XXII fixo pública unha bula, o 10 de setembro de 1320, na que desminte tales feitos (véxase Calado, *Crónica de Portugal*, pp. 196-204, e *Apéndice. 11*; para este episodio, consúltese tamén Brandão, *Monarquía*, VI, pp. 365-366).

<sup>48</sup> Este exiliouse en Castela, enfrontado con don Denis, entre 1317 e 1322, como relata a *Crónica Xeral de España de 1344* (cfr. Cintra, *op. cit.*, IV, pp. 252-253 —*Apéndice. 12*—). Don Denis, sen embargo, acusa a don Pedro deste enfrontamento, aliándoo co príncipe don Afonso. Véxase Lopes, “O primeiro manifesto”, pp. 28-29 (cfr. *Apéndice. 13*); Calado, *Crónica*, p. 194; Brandão, *Monarquía*, VI, pp. 368, 418-419; Mattoso, “A guerra civil”, p. 300; *Idem*, *História*, p. 162.

<sup>49</sup> Para estes episodios, véxase Lopes, “Santa Isabel”, pp. 34-41; Calado, *Crónica*, pp. 204-209; Brandão, *Monarquía*, VI, p. 387.

Don Afonso Sanchez, que ocupara un papel central no primeiro documento rexio, queda agora nun segundo lugar. En efecto, aínda que o bastardo segue fiel a don Denis,<sup>50</sup> a ausencia de calquera mención á súa persoa neste texto indica que as razóns últimas do conflito civil de 1319-1324 eran outras, de maior peso e de máis fondas raíces cá influencia e cá predilección de que gozaba o trobador nos círculos áulicos.

O 17 de decembro de 1321 don Denis publicou, tamén en Lisboa, o terceiro e último manifesto contra o príncipe don Afonso. Este documento, que reflicte o punto máis álxido da tensión entre o rei e o infante, e que resume os sucesivos motivos do enfrontamento entre o monarca e o seu herdeiro, é xa unha aberta declaración de guerra.<sup>51</sup>

Don Afonso levantouse en armas contra don Denis entre fins de decembro de 1321 e febreiro de 1322, tomando Coimbra, os castelos de Montemor-o-Velho, de Vila Nova de Gaia, da Feira e do Porto, e cercando Guimarães. Don Denis, pola súa parte, tomou Leiria e avanzou sobre Coimbra, onde se encontraba en marzo de 1322. O infante abandonou entón o cerco de Guimarães para volver a Coimbra, cidade na que comezaron as conversacións de paz e na que se estableceu o primeiro acordo entre as partes en conflito, ratificado en Leiria en maio dese mesmo ano 1322. Por este tratado, o príncipe don Afonso recibiu o señorío de Coimbra, e do seu termo, e Montemor-o-Velho, así como os castelos de Gaia, Feira e do Porto.<sup>52</sup> De acordo coa *Crónica Geral de Espanha de 1344*, don Afonso aínda tiraría outra compensación dese acordo de paz, xa que don Afonso Sanchez se vería obrigado a abando-

---

<sup>50</sup> E, de feito, don Afonso Sanchez está presente no momento da publicación do manifesto (cfr. Lopes, "Santa Isabel", pp. 39-40; véxase tamén Brandão, *Monarquía*, VI, p. 388).

<sup>51</sup> Véxase *Documentos*, pp. 142-143, e Calado, *Crónica*, pp. 209-210.

<sup>52</sup> Véxase Mattoso, *Livro de Linhagens*, II/1, pp. 130-131; Cintra, *Crónica Geral*, IV, pp. 253-255; Calado, *Crónica*, pp. 210-212. Para estes episodios, consúltese, ademais, Brandão, *Monarquía*, VI, pp. 410-420; Freire, *Brasões*, pp. 188-189; V. Rau, *Itinerários Régios Medievais, I: Itinerário del-Rei D. Dinis, 1279-1325*, Instituto de Alta Cultura-Centro de Estudos Históricos, Lisboa, 1962, p. 86; F. Félix Lopes, "Santa Isabel na contenda entre D. Dinis e o fillo. 1321-1322", *Lusitania Sacra*, 8 (1967-1969), pp. 57-80, en particular, pp. 67-75; Antunes *et al.*, "Conflitos políticos", p. 118; Mattoso, *História*, p. 163.

na-lo reino: “Pero, nas preitesias que forō feitas en Coimbra, era cõtheudo que Affonso Sanchez fosse fora da terra. E assy foy feito”.<sup>53</sup> Sen embargo, e como ilustran distintos documentos da chancelería rexia posteriores ó tratado de 1322, don Afonso Sanchez aínda permanecía na corte neses anos.<sup>54</sup>

As diferencias entre o rei e o príncipe herdeiro continuaron. En outubro de 1323 convocáronse Cortes en Lisboa a petición do infante, que abandonou a asemblea, retirándose a Santarém coa intención de conquistar Lisboa.<sup>55</sup> O enfrontamento entre as tropas do rei e as do príncipe don Afonso tivo lugar en Albogas, localidade próxima a Loures.<sup>56</sup> Despois dunha breve tregua, os dous bandos volvéronse enfrontar en Santarém, cidade á que o monarca se trasladara e na que o infante e o *concelho* se negaran a recibilo.<sup>57</sup>

O acordo de paz co que culminou o conflito tivo lugar en febreiro de 1324 e foi ratificado en maio dese mesmo ano. Este tratado, ademais de diferentes beneficios para o infante don Afonso, contemplaba, agora si, o exilio de don Afonso Sanchez.<sup>58</sup> O tro-

<sup>53</sup> Cintra, *Crónica Geral*, IV, p. 254.

<sup>54</sup> Fr. F. Brandão fai referencia na *Monarquía Lusitana* a un documento de 1322 no que don Denis lle doa á súa sobriña dona Isabel, filla do infante don Afonso, as vilas de Penela e Miranda, e que confirma, como *mordomo-mor*, don Afonso Sanchez. Polo tanto, o bastardo aínda debía estar nese ano en Portugal (cfr. Brandão, *op. cit.*, V, 39). Así mesmo, don Afonso Sanchez é nomeado testamenteiro por don Denis o 20 de xuño de 1322 (cfr. *op. cit.*, VI, pp. 428-429). Para esta primeira concordata entre as partes en conflito, consúltese Mattoso, *Livro de Linhagens*, II/1, p. 131; Brandão, *Monarquía*, VI, pp. 420-424; Freire, *Brasões*, pp. 189-190; Rau, *Itinerários*, p. 86; Lopes, “Santa Isabel na contenda”, pp. 75-80; Antunes *et al.*, “Conflitos políticos”, pp. 118-119; Mattoso, *História*, p. 163.

<sup>55</sup> Cfr. Cintra, *Crónica Geral*, IV, p. 256; Calado, *Crónica*, p. 214; Brandão, *Monarquía*, VI, pp. 447-451.

<sup>56</sup> Véxase Mattoso, *Livro de Linhagens*, II/1, pp. 238-239; Cintra, *Crónica Geral*, IV, pp. 252-258; Calado, *Crónica*, pp. 214-215; Brandão, *Monarquía*, VI, pp. 453-457.

<sup>57</sup> Cfr. Mattoso, *Livro de Linhagens*, II/1, p. 131; Cintra, *Crónica Geral*, IV, pp. 258-259; Calado, *Crónica*, pp. 215-216; Brandão, *Monarquía*, VI, pp. 457-459; Freire, *Brasões*, pp. 190-192; Rau, *Itinerários*, pp. 88-89; Antunes *et al.*, “Conflitos políticos”, p. 119; Mattoso, *História*, p. 163.

<sup>58</sup> Cfr. Cintra, *Crónica Geral*, IV, p. 259; Calado, *Crónica*, pp. 216-217 –véxase *Apêndice. 14-*; Brandão, *Monarquía*, VI, pp. 460-462. Como se indicou liñas máis arriba, a *Crónica Geral de Espanha de 1344* xa situaba o abandono do reino por parte do bastardo no primeiro acordo de paz entre as partes en conflito. En efecto, esta crónica discrepa no relato dos acontecementos tanto da *Crónica de Portugal de 1419* como dos datos recollidos en documentos da época. Para a diverxencia entre ámbalas dúas crónicas, cfr. Cintra, *Crónica Geral*,

bador retirouse a Castela, á corte do seu sobriño Alfonso XI (1312-1350), posiblemente xa a principios de 1324.<sup>59</sup>

En 1325, á morte de don Denis e xa como rei, Afonso IV confiscou tódalas posesións que don Afonso Sanchez tiña en Portugal. O trovador, en resposta, realizou varias incursións armadas na primavera e verán de 1325 en Trás-os-Montes e no Alto Alentejo, apoiado polo exército castelán. Derrotadas as tropas portuguesas mandadas polo mestre de Avis, frei Gonçalo Vaz, ante o exército do señor de Albuquerque, don Afonso IV invadiu os dominios que seu irmán tiña en Castela, destruindo a fortaleza de Codiceira, que foi tomada o 5 de outubro de 1325.<sup>60</sup> A partir dese momento non se documentan novas agresións entre as partes, polo que debeu establecerse un acordo entre ambas, posiblemente a partir de 1326.<sup>61</sup>

Don Afonso Sanchez morreu a mediados de 1328, durante o cerco ó que as tropas de Alfonso XI sometían a vila de Escalona,

I, pp. clvii-clviii, n. 81, e véxase *supra*, n. 54, para a discrepancia con respecto á documentación da época. Para este último acordo de paz, véxase Brandão, *Monarquía*, VI, pp. 460-464; Freire, *Brasões*, p. 192; Antunes *et al.*, “Conflitos políticos”, pp. 119-120; Mattoso, *História*, p. 163; Barroca, *Epigrafía*, II, p. 1061. Don Denis aínda nomeou a don Afonso Sanchez testamenteiro a finais de 1324, no documento que recolle as súas últimas vontades (cfr. Brandão, *Monarquía*, VI, pp. 469-470, 587); sen embargo, o bastardo debía estar xa en Castela dende principios de ano.

<sup>59</sup> Na corte de Alfonso XI o señor de Albuquerque testemuñou en 1327 varios diplomas relativos ás relacións entre Portugal e Castela. Véxase Brandão, *Monarquía*, VI, p. 429; Freire, *Brasões*, pp. 192, 193; Oliveira, *Depois do espectáculo*, p. 311; Barroca, *Epigrafía*, II, p. 1061; Pizarro, *Linhagens Medievais*, I, pp. 190-191, n. 149 e n. 150.

<sup>60</sup> Véxase Cintra, *Crónica Geral*, IV, p. 260 –texto reproducido en *Apêndice. 15–*.

<sup>61</sup> Cfr. Freire, *Brasões*, pp. 193-194; Távora, “Apontamentos”, pp. 84-85; Antunes *et al.*, “Conflitos políticos”, p. 120; Oliveira, *Depois do espectáculo*, p. 311; Barroca, *Epigrafía*, II, p. 1061; Pizarro, *Linhagens Medievais*, I, p. 191, n. 149. Barbieri, pola súa parte, sitúa o fin do conflito entre os irmáns en 1328 (cfr. “Afonso Sanchez”, p. 22). O enfrontamento entre don Afonso Sanchez e o rei portugués aínda aparece referido nun documento de 1326 no que se recolle a sentenza, dada en Lisboa o 4 de xullo, pola que don Afonso IV condena a morte a don João Afonso, bastardo de don Denis e medio irmán do rei e do señor de Albuquerque. Don João Afonso, que tomara a parte do seu proxenitor durante a guerra civil, foi acusado por Afonso IV de conspiración con don Afonso Sanchez (cfr. M. T. Campos Rodrigues e N. Espinosa Gomes da Silva, *Livro das Leis e Posturas*, Faculdade de Direito, Lisboa, 1971, pp. 241-244 –véxase un extracto do documento en *Apêndice. 16–*). Consúltese, ademais, Mattoso, *Livro de Linhagens*, II/1, p. 129; Brandão, *Monarquía*, V, 185; *Idem, Ibidem*, VI, p. 461; Freire, *Brasões*, p. 193; Antunes *et al.*, “Conflitos políticos”, pp. 120-121; Pizarro, *Linhagens Medievais*, I, p. 197.

pertencente ó infante don Juan Manuel.<sup>62</sup> Posteriormente, o corpo do trobador foi trasladado ó mosteiro de Santa Clara de Vila de Conde, cenobio do que era padroeiro e protector e no que se conserva o seu mausoleo.<sup>63</sup>

<sup>62</sup> Véxase Catalán, *Gran Crónica*, I, p. 435 —o texto recóllese en *Apéndice. 17*—; Antunes *et al.*, “Conflitos políticos”, p. 121; Oliveira, *Depois do espectáculo*, p. 311; Barroca, *Epigrafiya*, II, p. 1062; Pizarro, *Linhagens Medievais*, I, p. 191. O resto da crítica é unánime ó situa-la data de falecemento do trobador en 1329. Así, Braga, *Cancioneiro*, p. lxxviii; Michaëlis, *Ajuda*, II, pp. 216, 224, 228; *Idem*, “Randglossen”, p. 697; *Idem*, *Lições*, p. 424; Freire, *Brasões*, p. 194; Magne, “Um trovador”, p. 58; Sousa, *História Genealógica*, p. 149; Livermore, “The Formation”, pp. 116, 125; Tavani, *A poesia lírica*, pp. 38, 278, e Barbieri, “Afonso Sanchez”, pp. 21, 22. Segundo Sousa, o trobador falecería en 1327 (cfr. “Contenda”, p. 255). Para a datación do cerco de Escalona, que se desenvolveu entre marzo e agosto de 1328, consúltese a documentación publicada por A. Giménez Soler, *Don Juan Manuel. Biografía y estudio crítico*, Tipografía La Académica, Zaragoza, 1932, pp. 563-574. Unha visión certamente singular dos anos finais do trobador achégaa Távora, “Apontamentos”, pp. 82, 85, 89, n. 15.

<sup>63</sup> Véxase Mattoso, *Livro de Linhagens*, II/1, p. 129; Brandão, *Monarquia*, V, 156; *Idem*, *Ibidem*, VI, pp. 270-271; J. A. Ferreira, *Os Tumulos do Mosteiro de Santa Clara de Vila do Conde*, Edições Ilustradas Marques Abreu, Porto, 1925; Freire, *Brasões*, p. 194; Sousa, *História Genealógica*, pp. 149-150; Barroca, *Epigrafiya*, II, pp. 1062-1063. Dona Teresa Martins, que sobreviviu ó seu esposo, obtivo a devolución dos bens que lle confiscara Alfonso IV a don Afonso Sanchez, con excepción de Souto de Rebordões, Alcoentre e Lumiar, por documento do 14 de xullo de 1330 ótres anos despois, o 27 de xaneiro de 1333, o monarca volveu ordenar que se cumprise esta ordeó. En canto ás propiedades que non foran contempladas naquel documento, a súa posesión foille confirmada a dona Teresa por sentenencia do 28 de agosto de 1341, co que mantivo a xurisdicción *de civil e de crime* en Vila do Conde, no *jugado* de Souto de Rebordões, en Alcoentre, nas vilas de Parada e de Pousadela, en Varzim de Jusão e en Touginha. Ó ano seguinte, sen embargo, foi condenada, tal vez por non poder demostrar-la súa posesión, a perder tódalas xurisdiccións dos coutos e honras de Sam Martinho de Ovelha, Cervã, Soverosa, *Daqui, Menquefecta, Senhomil, Assquiz*, Vila Marim, *Ouda*, Sam Lourenço de Bairro, Ameal, Paredes, Casal, Casalinho, *Ujerra*, Novelas, Atães, Nespereira, *Vila Queviz*, Tagilde, Regilde, Pereira de Faro, Lovegilde, Capães, Macieira, Unhão, Lordelo e Maços de dona Maria, localizados todos eles, salvo o último, no Entre-Douro-e-Minho (doc. do 24 de xullo de 1342). Por outra parte, está documentada a administración por dona Teresa dos seus bens ata 1346. En 1329 concedeu-lle á súa cunhada, Fruilhe Anes de Briteiros, o dereito a ter uns bens en Alcoentre nas mesmas condicións có seu anterior propietario, Gonçalo Simões, criado de dona Fruilhe (doc. do 18 de xuño). En 1331 recibiu orde de don Afonso IV para demarca-los bens que tiña, co mosteiro de Arouca e coa orde do Hospital, en Unhão, no *jugado* de Felgueiras (doc. do 9 de agosto). En 1334 dona Teresa Martins doou-lle ó mosteiro de Odivelas a igrexa de Sam João de Lumiar, e, ó ano seguinte e en compañía do seu fillo, doou-lle ó mosteiro de Santa Clara de Vila do Conde tódolos dereitos que tiña nas igrexas de Sam Pedro de Atei, de Sam Pedro de Cervã e de Sam Pedro de Polvoreira. Así mesmo, as *inquirições* de 1343 mencionan distintas posesións que a viúva de don Afonso Sanchez tiña en varias freguesías do *jugado* de Celorico de Basto. Finalmente, en 1346 fóronlle embargados os rendementos da quinta de Macieira, da torre de Vilar e do pazo de Unhão para pagar-lles débedas ós testamenteiros de dona Bataça, cos que andara en preito polos bens da-

Lonxe da aura de santidade coa que se quixo envolve-la súa figura, don Afonso Sanchez amósase ós nosos ollos como un personaxe poliédrico. Dono dun rico patrimonio e dunha gran casa señorial e detentor dun importante papel político na corte de seu pai, o bastardo e trovador foi, como seu irmán o príncipe don Afonso, non a causa da guerra de 1319-1324, senón unha das vítimas –non inocente, é certo– da fractura política, social e económica que desembocou nas loitas civís que tinguiron os anos finais do reinado de don Denis. A pesar da mácula da bastardía, don Afonso ocupou as máis altas esferas do poder na corte portuguesa, servíndose, para iso, dunha conxuntura social e política favorable. En efecto, o señor de Albuquerque aproveitou o ocaso das vellas liñaxes, vinculadas á constitución do reino portugués e ós seus primeiros monarcas, e valeuse da política rexia, fortemente centralizadora e tendente a prescindir da alta nobreza en favor da propia familia real. Apoio fiel de don Denis, o trovador obtivo a concesión de grandes beneficios e prerrogativas da parte do rei, ademais de establecer sólidas alianzas que lle permitiron afianza-la súa riqueza patrimonial e a súa influencia política. Só así se explica o enorme poder que chegou a acadar este bastardo, que deixou unha marca indeleble na historia do Portugal da Idade Media.

---

quela. Debeu morrer con posterioridade a este ano, o último no que se fai mención á súa persoa na documentación conservada para este período. Para estes datos, véxase Tarouca, *O Cartulário*, pp. 60-63, doc. XVII; Brandão, *Monarquia*, V, 177<sup>n</sup>, 224<sup>n</sup>; Magne, “Um trovador”, p. 67; Sousa, *História Genealógica*, p. 150; Oliveira, *Depois do espectáculo*, p. 311; Pizarro, *Linhagens Medievais*, I, pp. 192-193, n. 160 e n. 161.